



UNIVERSITÄTS-  
BIBLIOTHEK  
PADERBORN


## Universitätsbibliothek Paderborn

**Decretvm Sanctiss. In Christo Patris Ac D. N. D. Alexandri  
Papæ VII.**

**Alexander <VII., Papst>**

**Brvxellæ, Anno M.DC.LVII.**

**urn:nbn:de:hbz:466:1-40396**




Th  
2169


N. 2169.

D. III  
2A










DECRETVM  
SANCTISS. IN CHRISTO PATRIS  
A C D. N. D.  
ALEXANDRI PAPÆ VII.

Feria v. Die 6. Septembris 1657.

In Congregatione generali Sanctæ Romanæ, & Vniuersalis Inquisitionis habita in Palatio Apostolico apud Sanctam Mariam Maiorem, coram Sanctiss. D. N. ALEXANDRO, Divina providentia Papa VII. ac Eminentissimis, & Reverendissimis DD. S. R. E. Cardinalibus in Vniuersa Republica Christiana contra hæreticam pravitatem Inquisitoribus generalibus, à Sancta Sede Apostolica specialiter deputatis.



BRUXELLÆ, Juxta Exemplar Romanum. Anno M. DC. LVII.



DECRETVM  
SANCTISS. IN CHRISTO PATRIS  
A. C. D. N. P.  
ALEXANDRI PAPA E VII.

Teris v. Die 6. Septembris 1677.

In Congregatione generali Sanctae Romanae & Universalis Synodi  
habita in Palatio Apostolico apud Sanctum Marcum Anno  
tercentesimo sexagesimo tertio D. N. ALEXANDRO Divinae providentiae  
Papae VII. ac Eminentiissimo, & Reverendissimo DD. S. R. E.  
Cardinibus in Sacrae Romanae Republicae Christianae consilio  
cum presentibus & futuris, totius generalibus & sanctae Sede Apo-  
stolicae auctoritate.



SEXTUS, Jussu Exarcho Romano. Anno. M. DC. LXXVII.

**S**Anctiss. D. N. ALEXANDER Papa VII. præsentî Decreto prohibet, & damnat libros infrascriptos, eosque pro damnatis, & prohibitis haberi voluit sub pœnis, & censuris, in Sacro Concilio Tridentino, & in Indice librorum prohibitorum contentis, aliisque arbitrio Sanctitatis suæ infligendis.

## E L E N C H U S L I B R O R U M.

**D**ECEM & octo Epistolæ Gallico Idiomate conscriptæ, quarum prior inscribitur,

Lettre escrite à un Provincial par un de ses amis sur le sujet des disputes presentes de la Sorbonne, de Paris ce 23. Janvier 1656. incipit: Monsieur, nous estions bien abusez.

2. Seconde lettre &c. de Paris ce 29. Janvier 1656. incipit: Monsieur, comme je fermois &c.
3. Troisieme lettre &c. de Paris ce 9. Fevrier 1656. incipit: Monsieur, je viens de recevoir &c.
4. Quatrieme lettre &c. de Paris le 25. Fevrier 1656. incipit: Monsieur, il n'est rien tel, que &c.
5. Cinquiesme lettre &c. de Paris le 20. Mars 1656. incipit: Monsieur, Voicy ce que je vous ay promis &c.
6. Sixiesme lettre de Paris ce 10. Avril 1656. incipit: Monsieur, Je vous ay dit &c.
7. Septiesme lettre &c. de Paris ce 25. Avril 1656. incipit: Monsieur, Apres avoir appaisé &c.
8. Huitiesme lettre &c. de Paris ce 28. May 1656. incipit: Monsieur, Vous ne pensiez pas, que personne &c.
9. Neuvieme lettre &c. de Paris ce 3. Juillet 1656. incipit: Monsieur, Je ne vous feray pas plus &c.
10. Dixiesme lettre &c. de Paris ce 2. Aoust 1656. incipit: Monsieur, Ce n'est pas encor icy &c.
11. Onzieme lettre escrite par l'Autheur des lettres au Provincial, aux Reverends Peres Iesuites, du 18. d'Aoust 1656. incipit: Mes Reverends Peres, J'ay veu les lettres, que vous &c.
12. Douzieme lettre &c. du 9. Septembre 1656. incipit: Mes Reverends

- rends Peres, J'estois prest à vous escrire &c.
13. Trezième lettre &c. du 30. Septembre 1656. incipit: Mes Reverends Peres, je viens de voir vostre dernier escrit &c.
14. Quatorzième lettre &c. du 23. Octobre 1656. incipit: Mes Reverends Peres, si je n'avois que respondre &c.
15. Quinzième lettre &c. du 25. Novembre 1656. incipit: Mes Reverends Peres, Puisque vos impostures croissent &c.
16. Seiziesme lettre &c. du 4. Decembre 1656. incipit: Mes Reverends Peres, Voicy la suite de vos calomnies.
17. Dixseptième lettre escrite par l'Auteur des lettres au Provincial, au Reverend P. Annat Iesuite, ce 23. Janvier 1657. incipit: Mon Reverend Pere, Vostre procedé m'avoit &c.
18. Dixhuitième lettre au Reverend Pere Annat Iesuite, sur la copie imprimée à Cologne le 24. Mars 1657. incipit: Mon Reverend Pere, Il y a long-temps que vous &c.
- Lettre d'un Advocat au Parlement à un de ses Amis, touchant l'Inquisition, qu'on veut establir en France à l'occasion de la nouvelle Bulle du Pape Alexandre VII. à Paris le 1. Juin 1657. incipit: Monsieur, Vous croyez que toutes vos affaires &c.
- Antonii Arnaldi Doctoris, & Socii Sorbonici, opera sequentia.
- Lettre de Monsieur Arnauld Docteur de Sorbonne à une personne de condition, sur ce, qui est arrivé depuis peu dans une des Paroisses de Paris à un Seigneur de la Cour.
- Seconde lettre de Monsieur Arnauld Docteur de Sorbonne à un Duc, & Pair de France, pour servir de response à plusieurs escrits, qui ont esté publiez contre sa premiere lettre, sur ce qui est arrivé à un Seigneur de la Cour dans une paroisse de Paris.
- Epistola, & scriptum ad Sacram facultatem Parisiensem in Sorbona congregatam die 6. Decembris anni 1655.
- Scripti pars altera ad Sacram facultatem Parisiensem in Sorbona congregatam die 10. Decembris 1655.
- Epistola, & alter Apologeticus ad sacram facultatem Parisiensem in Sorbona congregatam die 17. Januarii anni 1656.
- Epistola inscripta Viro sapientissimo Henrico Holdeno, sacrae facultatis Parisiensis Doctori, incipiens: Ea temporum conditione &c.

Vera

5  
Vera S. Thomæ de gratia sufficiente, & efficaci doctrina dilucidè explanata.

Propositiones Theologicæ, de quibus hodie maximè disputatur clarissimè demonstratæ.

Tabulæ suffragiales de terminandis fidei litibus ab Ecclesia Catholica fixæ. Authore Thoma Anglo ex Albiis East-Saxone.

Tesseræ *ψευδονύμους* Romanæ evulgatio, eodem authore &c.

Et quia circumferuntur quædam folia impressa anno 1657. quorum titulus est, *Tredecim Theologorum ad examinandas quinque Propositiones ab Innocentio X. selectorum suffragia, seu ut appellant vota summo Pontifici scripto tradita*, Eadem Sanctitas Sua præfenti hoc decreto illa prohibet, & declarat, ac decernit, iis tanquam apocryphis nullam fidem esse adhibendam, nec à quocumque allegari posse vel debere; Et præterea Epistolas, libellos, ac libros alios quoscumque, in quibus doctrina Cornelii Iansenii Episcopi Iprensis in quinque propositionibus per Constitutiones Innocentii Prædecessoris, & Sanctitatis Suæ damnata, asseritur, aut quomodolibet approbatur, vel defenditur; tam impressos, quàm imprimendos quocumque idiomate, vel quomodolibet etiam in scriptis evulgatos, vel in futurum evulgandos, Sanctitas Sua omninò damnat, & prohibet, ac damnatos, & prohibitos esse voluit, mandans, ut nemo cujuscumque gradus, & conditionis existat, etiam speciali, seu specialissima nota dignus libros prædictos, aut aliquem ex illis apud se retinere, legere, aut imprimere, aut imprimi curare audeat, sub pœnis, & censuris contra hujusmodi delinquentes statutis, sed statim quicumque illos habent, vel in futurum quandocumque habebunt, locorum Ordinariis, seu Inquisitoribus sub iisdem pœnis exhibere teneantur.

Insuper cum hac occasione, & prætextu in lucem prodeant plures libri continentes, & tractantes materiam de Auxiliis, nulla prorsùs petita, vel obtenta licentia ab hac Sacra Congregatione; contra formam Decretorum Pauli V. & Urbani VIII. prædecessorum suorum, (quæ quatenùs opus sit, Sanctitas Sua denuò confirmat, innovat, & inviolabiliter observari mandat, sub censuris & pœnis in eisdem contentis) ideò illis inhærendo, dictos libros editos, &

in futurum quomodolibet edendos, absque eo quod fiat de illis specialis mentio, ipso facto & absque alia declaratione pro expresse prohibitis haberi voluit, & decrevit.

*Joannes Lupus Sanctæ Romanæ & Vniuersalis Inquisitionis Not.*

Anno à Nativitate D. N. JESV Christi millesimo sexcentesimo quinquagesimo septimo, Indictione decima, die verò decimaquinta mensis Septembris, Pontificatus Sanctiss. in Christo Patris, & D. N. D. Alexandri, Divinâ Providentiâ Papæ VII. Anno ejus Tertio, supradictum Decretum affixum, & publicatum fuit ad Valvas Basilicarum S. Ioan. Lateranens. & S. Petri de Vrbe, nec non ad Valvas Palatii Sac. Inquisitionis, Cancellariæ Apostolicæ, ac in Acie Campi Floræ, ut moris est, per me Hieronymum Mascellam ejusdem Sanctiss. D. N. Papæ, & Sanctissimæ Inquisitionis Cursorem.

*Concordat cum Authentico Romano Reverendæ Cameræ Apostolicæ*  
**CHRYSOGONVS FLACCHIVS** *Presbyter Nunciaturæ A-*  
*postolicæ Grapharius.*

**A**NDREAS Dei & Apostolicæ Sedis gratiâ  
 Archiepiscopus Mechliniensis, &c. Omnibus has visuris  
 salutem in Domino. Post condemnatam à S. Sede Apostoli-  
 ca in quinque Propositionibus Cornelii Jansenii olim Ipre-  
 sium Episcopi Doctrinam, cum boni omnes optatam in Ecclesia pa-  
 cem, & tranquillitatem secuturam sperarent, triste & peracerbum  
 accidit videre novam tempestatem pestilentibus quibusdam litteris in-  
 vulgus sparsis excitatam. Quæ quidem litteræ primùm in Gallia  
 clanculum impressæ, & per omnes istius Regni Provincias pervulga-  
 tæ, ubi tandem ex solenni Judicium Decreto, tanquam famosæ, ca-  
 lumniosæ, & publico bono perniciosæ per manum tortoris igni traditæ,  
 non jam ultra impune isthic imprimi aut vendi poterant, congruum  
 sibi in Hollandia apud heterodoxos perfugium & prælum invenerunt,  
 unde magno numero tum per alias, tum præsertim per hanc nostram  
 Mechliniensem Diocesim improborum quorundam operâ, nequidquam  
 obstante severâ Concilii Lateranensis & Tridentini sub anathemate  
 aliisque pœnis adversus libros sic impressos, prohibitione, clanculum  
 etiam per mulierculas divenditæ, & à compluribus curiositatis potius  
 quàm conscientiæ rationem habentibus lectitatæ, non mediocri scan-  
 dalum attulerunt, tum gravissimas hætenus summâ diligentia &  
 discussione præviâ factas à summis Pontificibus adversus prædicti  
 Cornelii Iansenii Doctrinam definitiones impudenti temeritate ele-  
 vando, & in contemptum adducendo, tum laudabilem Ordinem So-  
 cietatis JESU in salutem animarum ubique gentium utilissimè labo-  
 rantem, atrocissimis calumniis, & imposturis injuriosè diffamando,  
 tum etiam fidelium conscientias vanis timoribus & diffidentiis per-  
 turbando.

Cui quidem malo adnitentibus quibusdam operariis iniquitatis, in-  
 dies magis ac magis gliscenti dum serio meditabamur, idoneo remedio  
 occurrere: peropportunè, ac Divinâ, ut credimus, providentiâ fa-  
 ctum est, ut ipsemet Sanctissimus D. N. ALEXANDER Papa VII.  
 pro Pastoralis sua curâ & vigilantia, 6. die Septembris proximè ela-  
 psi, solenne conderet Decretum, cujus nuper authenticum exemplar,  
 unâ cum intimatione mandati Apostolici Illustriss. D. Hieronymus  
 de

de Vecchiis, Sanctitatis suæ in Belgicis dittonibus, & Burgundia Comitatu Inter-nuntius, ad Nos, ut publicandum curarem, transmisit. in quo prædictæ Litteræ, aliique Libri in eodem expressi jure merito damnantur, ac severè prohibentur.

Quapropter Nos cupientes, ut debemus, voluntati Sanctitatis Suæ omnino satisfacere, ut prædictum Decretum in omnium notitiam veniat, Exemplaria juxta ejusdem tenorem fideliter impressa, mandavimus, ac per præsentés mandamus Apparitoribus hujus nostræ Curie Metropolitanæ, ac aliis, ut ad valvas Ecclesiarum affigenda, & ad singula Capitula, nec non ad Rectorem Vniversitatis Lovaniensis, atque etiam ad Superiores singulorum Monasteriorum, ut subditis suis ea debito modo intiment, & ad omnes Archipresbyteros hujus Diocesis sufficienti numero destinanda curent. Archipresbyteris verò, ut ea singulis suorum districtuum Pastoribus distribuant. Atque ipsis Pastoribus omnibus & singulis, ut prædictum Decretum, die Dominico illorum Exemplarium receptionem proximè secuturo, populo ad audiendum verbum Dei congregato, per se, vel per alios ipsorum vice concionantes, debite & intelligibiliter publicent, & ad valvas suarum Ecclesiarum curent affigi. Præcipimus insuper universis Christi-fidelibus nostræ Diocesis, ut eidem Decreto in omnibus perfecte obediant, sub pœnis in eodem contentis, & aliis arbitrio nostro infligendis. Datum Bruxellæ die 29. Octobris Anno Millesimo Sexcentesimo quinquagesimo septimo.

S. JORDAENS Secret.















